



CONVENIO DE COOPERACIÓN ENTRE A CONSELLERÍA DO MEDIO RURAL E O CONCELLOS DE ORDES PARA A REALIZACIÓN DUNHA OBRA DE INFRAESTRUTURA RURAL

MEMORIA XUSTIFICATIVA

O director xeral de Desenvolvemento Rural da Consellería do Medio Rural, **DECLARA:**

Que esta Dirección Xeral de Desenvolvemento Rural ten previsto formalizar co concello de Ordes o instrumento convencional arriba referido que entrará en vigor o día da súa sinatura e permanecerá vixente ata o remate da actuación contemplada no mesmo, a comunicación da recepción da obra ao Concello e a formalización da acta de entrega.

Que o instrumento convencional ten por obxecto :

A execución por parte da Consellería do Medio Rural de obras de titularidade municipal do concello de Ordes e destinadas a o uso público, conforme ao seu correspondente proxecto de obra.

A obra a conveniar consiste na mellora da Ponte sobre o rego Lesta (Lesta) de acodo co proxecto redactado en maio de 2017 cuxo obxecto é definir e valorar as obras necesarias para substituír a obra de paso que actualmente está composto de dous tubos de aceiro corrugado de 2 m de diámetro cada un que presenta roturas, por unha ponte que garanta a seguridade viaria pola estrada.

A obra de drenaxe sitúase baixo unha estrada municipal entre a estrada AC-413 e oslugares de A Altiboia e A Cruz.

Tras a inspección realizada á obra de drenaxe, observouse o mal estado da tubaxe metálica nunha liña continua na zona de contacto ca lamia de auga do rego, circunstancia habitual neste tipo de solucións co paso do tempo. Tamén se evidencian deformacións apreciables na forma cilíndrica da tubaxe. Na calzada da estrada que discorre sobre a obra de drenaxe aprécianse alteracións considerables da rasante indubidablemente motivadas pola deformación da tubaxe antes mencionada.

As conclusións do informe técnico do enxeñeiro de camiños Pablo Blanco Ferreiro de 20 de novembro de 2017 : *“á vista do anteriormente exposto e ante a progresiva e inexorable perda de capacidade estrutural da*





obra de drenaxe dado o estado no que se atopa, recomendase que se proceda o peche da estrada e a substitución da obra de paso propoñendo a execución dunha estrutura tipo pórtico que libere a totalidade do leito do rego e permita a evacuación do caudal correspondente a unha avenida cun período de retorno de cincocentos anos.”

A nova obra proxectada é unha ponte de 7 m de luz por 2 m de altura cun ancho de taboleiro de 8 m, construído in situ con formigón armado cun importe de proxecto de 57.989,35 €.

Así mesmo, a Consellería do Medio Rural considera importante contribuír na execución desta obra, dentro das súas dispoñibilidades orzamentarias e das súas competencias, para a mellora da calidade de vida da poboación rural.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

Estes convenios encádranse dentro dun marco de actuacións en infraestruturas rurais financiadas con fondos propios solicitadas polos concellos para as que a Consellería do Medio Rural accede a colaborar tanto no seu financiamento como na xestión da licitación e a execución das obras mediante a sinatura deste instrumento do convenio de colaboración.

As actuacións están diferenciadas respecto de outro tipo de actuacións en base á súa:

Tipoloxía: Actuación nunha ponte e,

Así:

PRIMEIRO.- A Consellería do Medio Rural, en virtude do Decreto 166/2015, do 13 de novembro, é o órgano da Administración galega encargado de propoñer e executar as directrices xerais do goberno no ámbito rural.

En exercicio das súas competencias responsabilízase de accións que teñan como obxectivo directo a mellora da calidade de vida das zonas rurais, desenvolvendo as dotacións de equipamentos públicos básicos e de infraestruturas no medio rural.

SEGUNDO.- O concello de Ordes presenta unha deficiente dotación de infraestruturas rurais no seu ámbito





territorial producíndose carencias importantes que frean o seu desenvolvemento rural.

TERCEIRO.- A Consellería do Medio Rural, co obxecto de racionalizar os investimentos en obras de infraestruturas no medio rural, vén de determinar as actuacións a realizar en distintos concellos de Galicia que se desenvolverá de acordo cuns criterios básicos entre os que se sinalan:

- Contemplará proxectos que teñan que ver coa dinamización da base produtiva do medio rural, co obxectivo de dignificar e mellorar a calidade de vida da poboación que reside nestas zonas e contribuír a fixar poboación.
- Poderanse incluír obras de infraestruturas de servizos básicos elementais, como abastecemento de auga domiciliaria, saneamentos, camiños agrícolas e pistas rurais, así como aqueles proxectos singulares que, pola súa natureza, entren dentro da competencia desta Consellería.

CUARTO.- As partes expresan o seu ánimo de participar e colaborar na consecución deses intereses comúns de apoio ao medio rural galego ao abeiro do Decreto 246/1992, do 30 de xullo, polo que se regulan as condicións para a execución en réxime de cooperación coas corporacións locais para a realización de obras titularidade das mesmas.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector Público, aprobado por Real Decreto Lexislativo 3/2011, do 14 de novembro, ou doutro instrumento alleo á natureza estritamente convencional.

En atención ao exposto e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria en Santiago de Compostela

O director xeral de Desenvolvemento Rural

ASINADO DIXITALMENTE

Miguel Ángel Pérez Dubois

